

固始縣志

卷五

原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八
賢母 貞節 貞烈 孝淑

卷二十六

列傳藝文第二十九
列女藝文附

重修固始縣志

卷二十五

邑令武進謝聘修

貞節

中 皆合例應 旌舊志失載凡婦人守節與例相符者無論存歿俱入志不合例者不敢錄

國朝

包志一百一十七人 張志九十七人

吳氏進士祝公期之孫日昉妻也夫故氏年十九竭力

營葬翁姑兩喪撫夫兩幼弟成立守節三十七年

張氏吳綰妻夫故氏年二十五撫四歲子肇周成立守

節四十二年

沈氏柯捷妻夫故氏年二十一撫幼子世桂成立守節

四十年學使者劉旌曰心同白石

慶氏張應福妻夫故氏年二十四撫子依夫弟應止以

居守節四十一年

傅氏趙連城妻

夫故

氏年二十二守節七十餘年

魏氏熊之章妻夫故氏年二十七守節五十一年邑令

夏旌曰氣節凌霄

周氏吳憲周妻夫故氏年二十七撫三歲子崢嶸成立

守節三十五年

王門二節婦董氏薛氏邑諸生薛恒之女適貢生王宣

年氏年二十五撫孤道治入邑庠道治年二十二
妻董氏年僅二十遺孤人瑞甫八月氏同孀姑
撫瑞成立後由縣庠入成均王氏家世不致中替者
董皆伊姑媳維持力也薛氏守節三十七壽六十一董
氏守節垂四十年邑令魏旌曰兩世冰操

周氏諸生夢祥女年十九適總兵姚宗勤之子臨昌甫
五載昌歿遺一子逢時未一週氏撫之成立守節五
十六年

董氏諸生董景帷女年十八適許忠節六世孫默越四

載默卒遺孤數行敦氏上事孀姑下撫二幼子成立
守節四十餘年學使者歐旌其門曰歐柳芳型

蔡氏縣諸生石振國妻夫故氏年二十九守節六十一
年壽九十邑令范旌其門曰婺壽雲祥

周氏李運開妻夫故氏年二十八守節四十五年

董氏戴明妻夫故氏年二十八守節四十五年

周氏徐其禮妻夫故氏年二十六撫三歲子子恭成立

守節三十四年

許氏宋克嘉妻夫故氏年二十五子志超甫七齡氏上

爲雙柳葬左虛右誓與夫同穴紡織教子不出戶庭
守節四十餘年年七十二卒

李氏縣人幼嫻姆訓年十六適高淳訓導徐遵子激越
二載激卒子梓甫七月伯氏欲奪其志氏堅以死自
誓躬紡績甘淡泊終身不易其操

王氏王鐸女年十八適鍾鉞未一載鉞歿氏躬紡績苦
節自守育遺腹子鵬成立邑令吳周廉覈旌其門鵬
亦能孝事其母今張莊有井以鵬名孝泉井

張氏中丞張社側室社卒遺命遣嫁之氏聞痛哭幾絕

女界三
矢志守節時年十六歲至八十乃卒

張氏許允恭妻無出爲恭置側柴氏生子大典方一週
恭病不起越三月柴氏亦相繼死氏矢志撫孤不啻
己出後典成立亦能孝事嫡母

劉氏諸生段國衡妻十六適段十七生子琬甫三月夫
故氏堅志撫孤教子八泮憂毀之容終身不改

胡氏縣諸生王儒妻儒早卒氏無子以死自誓姪婦萬
氏晨夕勸慰萬氏王儒姪訓之妻也夫早卒二氏焚
旃相依閉門苦守共甘淡泊一以壽八十一以壽九

十終

國朝

楊志二十八人包志三十五人張志八人包志以下皆已請

旌者

易氏明知府唐時明妻封安人時明守鳳翔殉難氏撫

弱兒幼女於兵戈搶攘中操心慮患潛跡圖存至國

初寇難既平氏操理家政盡心教子家業漸起

吳氏二節婦徐氏陳氏徐氏明廬州知府吳大朴側室

生子德昌甫三歲大朴禦寇盡瘁卒氏年二十受遺

命撫孤值明季兵寇游至氏棄家挈子避難江南瑣

尾流離者五年及亂定歸里田廬荒廢家事如洗力

女界志卷之五
貧教子使得成立陳氏大朴長子業昌妻昌歿氏年
二十四與徐氏同心矢志共撫德昌人稱吳門雙節
云

陳氏縣諸生文治妻明進士周暹之女年十六適治克
嫺婦道善事姑璋治客死氏年二十七子國柱甫週
歲氏號慟幾絕鬻釵釧搬襯營葬奉孀姑生事死葬
悉如禮撫孤國柱後補邑諸生年六十六卒

周氏唐時熙妻性淑惠嫺內則熙署全椒縣卒于官氏
年二十枕屍泣血誓與同穴勺水不入口者三日家

人力勸撫孤乃忍死守節中值兵燹饑饉流離者數
十年卒能撫子延光成年八十二歲卒縣令張公
旌其門曰矢志義方

張氏明秦撫祉孫女適知縣田瑞龍性至孝有志操翁
姑老病必手調藥餌以進一日病劇泣不能止曰事
親日短也翁姑亾哀毀骨立涕泗皆血夫卒于官兒
溥甫三歲時際兵燹氏歷險扶櫬歸葬茹苦紡績教
子成立

祝氏諸生錢嶽秀妻孝事孀姑一日秀赴郡應試姑病